

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

বুধবার, মার্চ ২১, ২০১৮

গণপ্রজাতন্ত্রী বাংলাদেশ সরকার  
মন্ত্রিপরিষদ বিভাগ

প্রজ্ঞাপন

ঢাকা, ০৭ চৈত্র ১৪২৪ বঙ্গাব্দ/২১ মার্চ ২০১৮ খ্রিস্টাব্দ

নম্বর: ০৪.০০.০০০০.৪২১.৬২.০২২.১৮.১০৫—গত ১২ মার্চ ২০১৮ তারিখে হযরত শাহজালাল আন্তর্জাতিক বিমানবন্দর থেকে নেপালের কাঠমান্ডুর উদ্দেশে ছেড়ে যাওয়া বাংলাদেশের বেসরকারি বিমান সংস্থা ইউএস বাংলার বিএস-২১১ ফ্লাইটটি দুজন পাইলট ও দুজন কেবিন ক্রুসহ মোট ৭১ জন আরোহীকে নিয়ে ত্রিভুবন আন্তর্জাতিক বিমানবন্দরে অবতরণের সময় এক মর্মান্তিক দুর্ঘটনায় পতিত হয়। এ দুর্ঘটনায় ২৬ জন বাংলাদেশিসহ মোট ৫১ জন নিহত এবং ২০ জন আহত হন।

২। এ মর্মান্তিক বিমান দুর্ঘটনায় নিহতদের জন্য গভীর শোক ও দুঃখ প্রকাশ ও তাঁদের বিদেহী আত্মার শান্তি কামনা করে, শোকসন্তপ্ত পরিবারের সদস্যদের প্রতি গভীর সমবেদনা ও সহমর্মিতা জানিয়ে এবং আহত ব্যক্তিগণ যাতে দ্রুত আরোগ্য লাভ করে স্বাভাবিক জীবনে ফিরে আসতে পারেন সে প্রার্থনা করে মন্ত্রিসভার ০৫ চৈত্র ১৪২৪/১৯ মার্চ ২০১৮ তারিখের বৈঠকে একটি শোকপ্রস্তাব গ্রহণ করা হয়।

৩। মন্ত্রিসভার বৈঠকে গৃহীত উক্ত শোকপ্রস্তাব সকলের অবগতির জন্য প্রকাশ করা যাচ্ছে।

রাষ্ট্রপতির আদেশক্রমে,  
মোহাম্মদ শফিউল আলম  
মন্ত্রিপরিষদ সচিব

( ৩২১৯ )  
মূল্য : টাকা ৪.০০

**মন্ত্রিসভার শোকপ্রস্তাব**

০৫ চৈত্র ১৪২৪  
ঢাকা: ১৯ মার্চ ২০১৮

গত ১২ মার্চ ২০১৮ তারিখে হযরত শাহজালাল আন্তর্জাতিক বিমানবন্দর থেকে নেপালের কাঠমান্ডুর উদ্দেশে ছেড়ে যাওয়া বাংলাদেশের বেসরকারি বিমান সংস্থা ইউএস বাংলার বিএস-২১১ ফ্লাইটটি দুজন পাইলট ও দুজন কেবিন ক্রুসহ মোট ৭১ জন আরোহীকে নিয়ে ত্রিভুবন আন্তর্জাতিক বিমানবন্দরে অবতরণের সময় এক মর্মান্তিক দুর্ঘটনায় পতিত হয়। এ দুর্ঘটনায় ২৬ জন বাংলাদেশিসহ মোট ৫১ জন নিহত এবং ২০ জন আহত হন। বেদনাদায়ক এ ঘটনার পরিপ্রেক্ষিতে মাননীয় প্রধানমন্ত্রী শেখ হাসিনা তাঁর সিজাপুর সফর সংক্ষিপ্ত করে দেশে ফিরে আসেন। এ ভয়াবহ দুর্ঘটনায় নিহত দেশি-বিদেশি আরোহীদের স্মরণে ১৫ মার্চ ২০১৮ তারিখ রাষ্ট্রীয় পর্যায়ে এক দিনের শোক পালন করা হয়। দেশবাসীর সাথে মন্ত্রিসভা এ মর্মান্তিক বিমান দুর্ঘটনায় নিহতদের জন্য গভীর শোক ও দুঃখ প্রকাশ ও তাঁদের বিদেহী আত্মার শান্তি কামনা করছে, শোকসন্তপ্ত পরিবারের সদস্যদের প্রতি গভীর সমবেদনা ও সহমর্মিতা জানাচ্ছে এবং আহত ব্যক্তিগণ যাতে দ্রুত আরোগ্য লাভ করে স্বাভাবিক জীবনে ফিরে আসতে পারেন সে প্রার্থনা করছে।